



Služba Općinskog načelnika i
Općinskog vijeća

Broj: 02-04-2-361/22

Datum, 28.02.2022. godine

Z A P I S N I K

sa 13. redovne sjednice Općinskog vijeća Maglaj
održane dana 28.02.2022. godine u 9:00 sati u sali Općinskog vijeća
JU Dom kulture «Edhem Mulabdić» Maglaj

Predsjedavajuća Svjetlana Zamboni, na osnovu člana 59. Poslovnika o radu Općinskog vijeća Maglaj, zaključaka Kolegija od 21.02.2022.godine, te Programa rada Općinskog vijeća za 2022. godinu, otvaram 13.redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH i samostalni vijećnici Elvir Vehabović i Mustafa Bešić.

Poziv na sjednicu dostavljeni su OSCE terenskom uredu u Travnik, te sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i zastupnik u Domu naroda gospodin Jasminko Kapić, te zastupnica u Skupštini ZDK gospođa Emira Drnda-Čičeklić.

Sve vas srdačno pozdravljam i pozivam da svako na sebi svojstven način, odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Zamolila bih predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 13. redovnoj sjednici Općinskog vijeća. Konstatujem da na sjednici nije prisutno pet vijećnika, Jasmin Begić, Eldis Kusur, Eldin Pehrat, Maid Suljaković i Adis Abdurahmanović (SDA). Ima nas ukupno 20, konstatujem da Općinsko vijeće može punovažno raditi, odlučivati i donositi odluke, zaključke i rješenja. Ovim je ispoštovan član 88.Poslovnika o radu Općinskog vijeća Maglaj.

Na današnjoj sjednici izvršit ćemo i verifikaciju Zapisnika sa 12.redovne sjednice Općinskog vijeća. Da li ima primjedbi na Zapisnik? Nema.

Zapisnik stavljam na verifikaciju.

Ko je za? Uzdržan ?

Konstatujem da smo jednoglasno verificirali Zapisnik sa 12.redovne sjednice Općinskog vijeća.

Otvaram raspravu po pitanju Dnevnog reda, uz napomenu da smo održali kratku sjednicu Kolegija, te se na Kolegiju usaglasili da Dnevni red proširimo za dvije tačke Dnevnog reda i to pod b) tačke 1.stavili bismo Odluku o izmjeni naziva pozicije u Budžetu/Proračunu Općine Maglaj za 2022. godinu o čemu će nas izvijestiti gospođa Hadžiedhemović Grahić i proširili bi smo za Odluku, zapravo Nacrt Odluke o usvajanju Nacrta djelimične izmjene Regulacionog plana Misurići. Gospodin Čatić je tu, pa može dati dodatno obrazloženje. Dakle prije svega moram pitati Vijeće za saglasnost da se Dnevni red proširi za navedene dvije odluke. Ko je za? Protiv? Uzdržan?

Glasalo za; Svjetlana Zamboni, Elvir Arnautović, Mirza Bradarić, Fikret Delić, Jasmin Đuhara, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Edin Salatović, Edin Osmić (SDA)

Glasalo protiv; Nema.

Glasalo uzdržanih, Mirsad Bežić, Safet Jašić (SDA), Hajrudin Ferić (DF)

Na osnovu toga predlažen Dnevni red za današnju sjednicu Općinskog vijeća. Samo gdje ćemo ove Misuriće Nedžade?

Dakle predlažem Dnevni red za 13.redovnu sjednicu Općinskog vijeća.

DNEVNI RED

1. a) Prijedlog Odluke o izmjeni Odluke o izvršenju Budžeta/Proračuna Općine Maglaj za 2022.godinu;
b) Odluka o izmjeni naziva pozicije u Budžetu/Proračunu Općine Maglaj za 2022.godinu
2. Nacrt Odluke o usvajanju djelimične izmjene Regulacionog plana Centar Maglaj – sjeverni dio, po zahtjevu Alu Wood Inžinjering d.o.o. Maglaj;
3. Nacrt Odluke o usvajanju Nacrta djelimične izmjene Regulacionog plana Centar Maglaj – sjeverni dio, po zahtjevu MEGA TAS doo Maglaj;
4. Nacrt Odluke o usvajanju Nacrta djelimične izmjene Regulacionog plana Kosova, po zahtjevu Džino Petrol doo Maglaj;
5. Nacrt Odluke o usvajanju Nacrta djelimične izmjene Regulacionog plana Misurići
6. Prijedlog Odluke o gubitku statusa javnog dobra u općoj upotrebi k.o. Maglaj (Ćibrić Ćazim);
7. Prijedlog Odluke o davanju saglasnosti Kulaš (Džemal) Nihadu iz Kosove, općina Maglaj, za iskop i polaganje cijevi za vodovod za domaćinstvo preko dijela nekretnine u k.o. Kosova upisane kao javno dobro;
8. Prijedlog Odluke o davanju prethodne saglasnosti za veći broj upisane djece u JU “Dječiji vrtić” Maglaj;
9. Plan rada općinskog organa uprave Općine Maglaj – Općinski načelnik za 2022.godinu;
10. a) Izvještaj Općinskog pravobranilaštva Maglaj za period 01.01.2021.–31.12.2021.godinu;
b) Osnovni zadaci i programska orjentacija za rad u 2022.godini;
11. Nacrt Programa poticaja u poljoprivrednoj proizvodnji Općine Maglaj za 2022.godinu;
12. Plan i program rada Komunalnog javnog društva doo Maglaj za period 01.01.31.12.2022.godina;
13. a) Izvještaj o realizaciji Plana kapitalnih investicija općine Maglaj za 2021.godinu;
b) Plan kapitalnih investicija Općine Maglaj za 2022 – 2024.godine;
14. Plan i program održavanja ,sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2022. godinu;
15. Izvještaj o radu Općinskog vijeća Maglaj za 2021.godinu;
16. a) Izvještaj o radu Urbanističko-građevinsko i putnog inspektora za period 01-01-31.12.2021.godine;

- b) Plan rada Urbanističko-građevinsko i putnog inspektora za 2022.godinu;
17. a) Izvještaj o radu Komunalno, sanitarno i vodoprivrednog inspektora za 2021.godinu;
- b) Program rada Komunalno, sanitarno i vodoprivrednog inspektora za 2022.godinu;
18. Izvještaj o upravnom rješavanju i provedenim upravnim postupcima jedinstvenog organa uprave Općine Maglaj za 2021.godinu;
19. Informacija o stanju javnog reda i mira i bezbjednosti saobraćaja na području općine Maglaj za 2021. godinu;
20. Informacija o provedenoj obaveznoj preventivnoj sistematskoj deratizaciji na području općine Maglaj – jesenja faza.
- 21.

Ko je za predloženi Dnevni red ? Konstatujem da se sjednici pridružio Abdurahmanović Adis.

Glasalo za, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhara, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Edin Osmić (SDA)

Glasalo protiv; Nema.

Glasalo uzdržanih, Mirsad Bežić, Edin Salatović, Safet Jašić (SDA), Hajrudin Ferić (DF)

Konstatujem da smo Dnevni red usvojili sa proširenjem ovim sa Kolegija i samo bih htjela da informišem Vijeće da se danas održava Svečana akademija, te u skladu s tim ćemo napraviti oko 11:25 sati, pola 12 sati pauzu, svi zajedno izaći položiti cvijeće na spomen obilježje i prisustvovati Svečanoj akademiji. Pa nakon Svečane akademije možete si uzeti pauzu do 13 sati, pošto, ne znam 40-tak minuta bi Akademija trebala trajati. Možete uzeti pauzu do 13 sati i onda doručak, ručak ko već šta treba, a u 13 sati ćemo nastaviti sa radom.

AD 1. a) Prijedlog Odluke o izmjeni Odluke o izvršenju Budžeta/Proračuna Općine Maglaj za 2022.godinu;

b) Odluka o izmjeni naziva pozicije u Budžetu/Proračunu Općine Maglaj za 2022.godinu

Predsjedavajuća Svjetlana Zamboni, možemo preći na prvu tačku Dnevnog reda. Izvjestilac je naravno gospođa Hadžiedhemović- Grahić, pa možda i za a) i za b) da budete objašnjenja davali. Prijedlog Odluke o izmjeni Odluke o izvršenju Budžeta/Proračuna Općine Maglaj za 2022.godinu i Odluka o izmjeni naziva pozicije u Budžetu/pProračunu Općine Maglaj za 2022.godinu.

Dženana Hadžiedhemović-Grahić, na samom početku ja bih vas sve prije svega poselamila i pozdravila i želim vam ugodan rad na ovoj sjednici. Ovako kao što predsjedavajuća već reče, prva tačka je Odluka o izmjeni Odluke o izvršenju Budžeta/Proračuna Općine Maglaj za 2022.godinu. U momentu donošenja Budžeta, načelnik općine nije dao ovlaštenja šefovima službi, međutim poslije smo utvrdili da bi efikasnije poslovanje bilo, a naravno Zakon o organizaciji organa uprave kao što vam je u obrazloženju tačno pozvano se na članove 62., 65. i 70. jasno kaže da načelnik općine... „dozvoljava se načelniku općine da prenese ovlaštenje na svoje pomoćnike“. Načelnik je prenio ovlaštenja, međutim obzirom da smo mi u Odluci rekli da načelnik donosi odluke recimo kod tekućih transfera kojih je najviše je li, isplate, jednokratne, socijalna davanja itd. natalitet, u tom slučaju mijenjamo taj dio. Znači, samo da ne stoji da načelnik općine donosi, nego rukovodilac nadležne službe. To je...mislim nema nikakve druge suštinske promjene kao što sam naglasila i u samom obrazloženju, finansijska sredstva nisu potrebna za realizaciju te odluke, znači odluka je samo hajde kažemo više tehničke prirode, odnosno definisanja donosioca konačnih akata po kojima će se vršiti isplate.

Predsjedavajuća Svjetlana Zamboni, hvala lijepo.

Dženana Hadžiedhemović Grahić, ukoliko ima nekih pitanja ja sada ne znam, da ne prelazim na tačku b) ako neko ima nešto...

Predsjedavajuća Svjetlana Zamboni, ja bih vas zamolila da date obrazloženje za tačku b) pa ćemo dalje.

Dženana Hadžiedhemović-Grahić, tačka b je znači materijal koji je uvršten danas, Odluka o izmjeni naziva pozicije u Budžetu, suštinski ništa se ne mijenja, finansijska sredstva se ne mijenjaju u ovom momentu. Znači, ne radimo nikakve...sve ostaje u Budžetu onako kako smo usvojili, mijenja se samo taj opisni dio, obzirom da u momentu donošenja Budžeta, znači kada smo radili prijedlog i kada je Vijeće usvajalo, nisu bili izvjesni...bili su izvjesni samo projekti samo sa UNDP-om, međutim danas su se pojavile neke druge međunarodne organizacije i ono što ja želim da naglasim je li, ova izmjena se posebno tiče jedne mogućnosti saradnje sa međunarodnom organizacijom HELP, koja će pomoći privrednicima sa područja općine Maglaj, što evo načelnik je ocijenio kao nešto što bi bila je li neka injekcija privrednicima sa područja posebno maloj privredi sa područja općine Maglaj, te s tim u vezi Vijeću predlažemo samo da se izmijeni, jer u dosadašnjem Budžetu stoji tekući transferi međunarodnim organizacijama, sufinansiranje projekata UNDP, znači samo bi se brisao taj dio sufinansiranje UNDP projekata samo da stoji tekući transferi međunarodnim organizacijama.

Predsjedavajuća Svjetlana Zamboni, zapravo oslabavamo stavku...

Dženana Hadžiedhemović- Grahić, da napravimo tu širinu, jer u tom momentu kad smo donosili kao što sam već rekla, Budžet nije bilo izvjesno da ćemo raditi i sa drugim međunarodnim organizacijama, a lično smatram kao i sam načelnik da je ovo od izuzetne važnosti za privrednike, tako da svakako i Covid je napravio je li svoje, tako da njima svaka dodatna finansijska sredstva će dobro doći.

Predsjedavajuća Svjetlana Zamboni, možda i za ubuduće da ostavljamo bez naznake za koga.

Dženana Hadžiedhemović -Grahić, mi smo do sada imali većinom sufinansiranje UNDP-om koje se odnosilo na određene kuće itd.

Predsjedavajuća Svjetlana Zamboni, jasno, jasno...otvaram raspravu pod 1 a) i 1 b). Izvolite, nema diskutanata, te tačku 1 a) stavljam na glasanje.

Glasalo za, Svjetlana Zamboni,Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević,Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik),Pero Mamić(HDZ BiH), Aida Bašić (A-SDA),

Glasalo protiv; Hajrudin Fermić(DF).

Glasalo uzdržanih, Mirsad Bejzić, Edin Salatović, Edin Osmić, Adis Abdurahmanović,Safet Jašić(SDA).

1 b), Odluka o izmjeni naziva pozicije u Budžetu/Proračunu Općine Maglaj za 2022.godinu, ko je za?

Glasalo za, Svjetlana Zamboni,Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević,Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik),Pero Mamić(HDZ BiH), Aida Bašić (A-SDA), Hajrudin Fermić(DF).

Glasalo protiv, nema.

Glasalo uzdržanih, Mirsad Bejzić, Edin Salatović, Edin Osmić, Adis Abdurahmanović,Safet Jašić(SDA),

ZAKLJUČAK

1.1. Usvaja se Odluka o izmjeni Odluke o izvršenju Budžeta/Proračuna Općine Maglaj za 2022.godinu;

1.2. Usvaja se Odluka o izmjeni naziva pozicije u Budžetu/Proračunu Općine Maglaj za 2022.godinu.

AD 2. Nacrt Odluke o usvajanju djelimične izmjene Regulacionog plana Centar Maglaj – sjeverni dio, po zahtjevu Alu Wood Inženjering d.o.o. Maglaj;

Predsjedavajuća Svjetlana Zamboni, prelazimo na narednu tačku dnevnog reda, a to je Nacrt Odluke o usvajanju djelimične izmjene Regulacionog plana Centar Maglaj-sjeverni dio, po zahtjevu Alu Wood Inženjering d.o.o. Maglaj. Da li uvodničar treba da da uvodnu riječ? Ne treba Nedžade, ako bude pitanja, budite spremni za pribilježiti sebi. Izvolite Nedžade, pitala sam da li treba...

Nedžad Ćatić (uvodničar), pozdravljam sve prisutne. Nacrt izmjene Regulacionog plana Alu Wood Inženjering, znači imali smo krajem decembra na sjednici Općinskog vijeća Odluku o pristupanju izmjene Regulacionog plana, a sada je izvođač nakon toga je izabran izvođač radova koji je dostavio Općinskoj službi prednacrt izmjene Regulacionog plana. Služba je pregledala prednacrt i imala određene primjedbe koje je nosilac izrade otklonio i dostavio Nacrt Odluke o izmjeni Regulacionog plana koji je danas ovdje na dnevnom redu. Radi se znači o ovom dijelu hotela, gdje se kroz ovu izmjenju, odnosno Nacrt izmjene Regulacionog plana predlaže rekonstrukcija, dogradnja i izgradnja još jednog novog objekta na toj lokaciji. Kroz Odluku o usvajanju Nacrta je predviđeno da se nakon usvajanja ovog Nacrta daje na javni uvid u roku od 15 dana od usvajanja a nakon toga, u toku od 15 dana se organizuje javna rasprava. Nacrt Odluke o usvajanju djelimične izmjene Regulacionog plana po zahtjevu Mega Tas se odnosi na lokaciju koja je na raskrsnici dole. Imali ste priliku već se jedan dio radi, odnosno taj dio što se radi, taj dio i nije u ovoj izmjeni to je po važećem Regulacionom planu, dok onaj dio što je bio u onoj krivini koji je naknadno investitor kupio tu se radi o izmjeni, gdje se faktički pomjera dijelom građevinska linija i umjesto 5 plus 2 plus M, predviđa se objekat 5 plus 4. Također i po ovom Nacrtu je predviđeno da u roku od 15 dana od usvajanja se daje na javni uvid, a nakon toga u roku od 15 dana organizuje se i javna rasprava. Nacrt djelimične izmjene Regulacionog plana Kosova, Odluka o pristupanju je donesena prije godinu dana skoro. To je znači nekad u februaru prošle godine, međutim obzirom da se radi o izmjeni koja je u zoni magistralnog puta mi smo u postupku u samom postupku izrade prednacrt i nacrt tražili mišljenje Direkcije Cesta tako da je više puta je vraćano, bilo je određenih primjedbi tako da je sada to usaglašeno i samim tim kako ide ta izmjena načelno radi se o lokaciji kod stadiona. Znači, gdje se skreće prema stadionu pa u onom desnom dijelu to je ta lokacija gdje se predviđa izgradnja benzinske pumpe. Također je predviđeno po Nacrtu da u roku od 15 dana od usvajanja Nacrta, daje se na javni uvid, a nakon toga u roku od 15 dana je javna rasprava koja bi se organizovala u MZ Kosova. Nacrt izmjene Regulacionog plana po Zahtjevu Bašić Esada, ovaj Nacrt je pravo da vam kažem i greškom Službe, bio je spreman već za prošle Vijeće. Greškom se potkralo da ga nismo stavili tada na dnevni red. Zahtjev sam je iz 2015.godine, ovdje se radi o tome da je nosilac izrade što je bio Still projekt Zavidovići nije uradio ovaj svoj dio posla, tako da smo mi ovaj prošle godine raskinuli sa njim ugovor i ponovo raspisali tender i odredili novog izvođača radova koji je dostavio sve nacрте, nakon primjedbi Službi dostavio je i Nacrt koji je danas na dnevnom redu i također u ovom slučaju se predviđa javni uvid u roku od 15 dana od usvajanja ove Odluke, a nakon toga javna rasprava u roku od 15 dana od dana javnog uvida.

Predsjedavajuća Svjetlana Zamboni, ok, jel tu završavamo Nacрте? Dobro. Otvaram raspravu. Možete izlagati jednu po jednu tačku ili sve ukupno iznijeti stavove po svim za koje je dao gospodin Ćatić obrazloženje. Izvolite, predsjednik Kluba SDP-a.

Vijećnik Mirza Mešić, prvo ću vas pozdraviti sve, pošto se prvi put obraćam danas, pa sam malo razmatrao ovaj materijal kada je u pitanju Alu Wood evo vidite ovdje. Prvo da vratiš predhodno gore. Malo mi nije jasno, gore su postojali parking prostori između ove i zgrade gore gdje se nalazi Caffe Boluevard, međutim sada vrati ovu novu. Izmjenom ovog...da li se smatra da će doći do izmjene ovdje da se uvrštava ulica, jer ne postoji mogućnost da ovim dijelom prođe ulica zbog ove zgrade ovdje ovamo gdje je PBS banka. Oštro je skretanje i nije mogućnost provesti ulicu tu. To mi nije jasno, jer vidim ovdje da je stavljeno. To je jedno od pitanja. Drugo pitanje nisam mogao

tačno da nađem koliko će biti stambenih prostorija tu, a ovdje piše 48-50 parking prostora, pa pitam da li će biti dovoljno parking prostra pošto to predstavlja inače problem na području općine Maglaj. To se isto odnosi i na Mega Tas, nisam mogao da nađem te stvari. Kada je u pitanju Džino Petrol, to već svi znamo manje-više, oni su čekali, vi ste obrazložili i to je sve ok. Još jedno pitanje, kada se donese Nacrt Odluke ide u javnu raspravu, procedura itd.pa bude Prijedlog. Kada mi ovdje usvojimo Prijedlog nakon koliko dana vremenski rok da Služba izda rješenje za radove. Da li može se ranije početi sa radovima? Hvala.

Predsjedavajuća Svjetlana Zamboni, gospodin Ferić.

Vijećnik Hajrudin Ferić, srdačno pozdravljam sve prisutne i evo žalim nam uspješan rad i mislim da će zaista danas biti dosta aktivnosti i zato ću ja samo postaviti jedno pitanje, a vezano je za ovaj Prijedlog Odluke o utvrđivanju Nacrta izmjene Regulacionog plana po zahtjevu Alu Wood Inžinjering. Naime, evo vjerovat ću stručnjacima koji su uradili prednacrt ovog akta da je to sve u skladu sa urbanističkim standardima i nadam se da će javna rasprava koja će biti zakazan u ovom narednom periodu kada donesemo ovaj Nacrt i izazvati pažnju građana prije svega građana užeg dijela grada, al naravno i svih zainteresovanih. Obzirom evo da se zahtjev odnosi za izradu kompleksa, hotel kako se zove. Na jednom mjestu koje je hajde da kažemo bilo prepoznatljivo kao pravo maglajsko mjesto i taj hotel. U svakom slučaju, evo ja opet kazujem vjerujem da će urbanistički standardbi biti poštovani i da će arhitektura grada Maglaja kroz arhitektonska rješenja ovih lamela odnosno ovog kompleksa zgrada činiti ljepšim Maglaj. Ono što sam htio pitati zapravo o ovom prijedlogu Nacrta Odluke, a to je da se određuje nova građevinska parcela pa tako što bi građevinsku parcelu činilo vlasništvo zemlje to to to, da ne nabrajam i dio k.č.broj 1468/1 čiji je posjednik Općina Maglaj. Obzirom da sam gledao na geo portalu tu parcelu, ona je izuzetno velika površinski dakle ima puno kvadrata, a nema ovdje u tekstu koliko ćemo to prodati pored ovih dunuma zemlje, koliko ćemo to još prodati ovom investitoru općinske zemlje i da li će se time narušiti hajde da kažemo i funkcionalnost ove ljetne bašte iza Doma kulture?

Predsjedavajuća Svjetlana Zamboni, hvala lijepo. To bi bila sva pitanja upućena vama gospodine Čatiću, te vas molim da date odgovore, uz napomenu naravno da govorimo o Nacrtu koji ide u javnu raspravu još jednom.

Nedžad Čatić, valjda sam zapamtio, ovaj što se tiče parking mjesta čini mi se Mirza je postavio pitanje. Vodilo je se računa da svaka stambena jedinica ima jedno parking mjesto. To se odnosi i na Mega Tas i na Alu Wood, pošto su to veći objekti ovaj. Kod Mega Tasa ne znam koliko ste primjetili u starom stanju ima lamela koja je bila predviđena i u ovom dijelu sada koja je vlasništvo Mega Tasa, ta lamela je u prijedlogu njihovom trebala da ostane, međutim Služba je tražila da se ukine ta lamela da se ostavi parking prostor i tako i jeste ovaj sada Nacrtom. Znači ostaje parking prostor i on je.... ima rampa znači u podrumu dole faktički imaju parking mjesta. Zemljište kod hotela i Natron Komerca tamo prema onoj zgradi i tu se ništa ne remeti, ne dira se ovom izmjenom. Dalje što se tiče parcelacije, parcelacija ne uzima se ne znam tačno ja sada koliko se uzima, ali ne znam da li se vidi ovdje...granica katastarske parcele hotela i ovamo općinske parcele koja je prema Domu kulture je izlomljena. To je samo se radi o tome da se ona ispravila. Znači, otprilike prema onoj bini je granica koja ide možda preko onoga ima ona fontana, uopšte nije mnogo...a mi nismo stavili ovdje plan parcelacije, ali eto plan parcelacije će biti na javnoj raspravi i vidjet ćete koliko je to. Znači samo u ispravci da bude prava linija, a ona je bila kriva baš ono skroz, onako se nekada koristila.

Predsjedavajuća Svjetlana Zamboni, to je bilo to od pitanja, čini mi se, a možda ne bi bilo loše da sve to..

Nedžad Čatić, što se tiče radova, radovi mogu biti tek kada se uradi, kada se donese prijedlog na Općinskom vijeću mislim onda tek se podnosi zahtjev za urbanističku itd. znači, radovi ne mogu biti, ne mogu se raditi dok se ne završi postupak izmjene Regulacionog plana i dok se ne dobije građevinska dozvola. To je to. Rješenje se izdaje po zahtjevu, znači zavisi koliko bude trajao zahtjev. Ne znam na što ste mislili, ali vjerovatno...pa dobro neki mogu brže neki sporije. Recimo konkretno Džino će opet morati ići prema Direkciji Cesta, prema tome, to će biti opet vjerovatno malo sporije. Mislim može u roku od 30 dana vjerovatno ovi zahtjevi. Ima zakonski rok u kojem se

treba raditi to, ali zavisi opet ako ima saglasnost. To nam često remeti. Saglasnot koju moramo tražiti u postupku izdavanja urbanističke saglasnosti.

Predsjedavajuća Svjetlana Zamboni, hvala lijepo. Napominjem vijećnike da je prijedlog od strane službi bio da se 15 dana vrši javni uvid a nakon toga 15 javna rasprava za sve ove Nacrte o kojima je govorio gospodin Čatić. Zaključujem raspravu, čini se po svim Nacrtima, nije se niko više javio.

Pauza za Klaub SDA.

Predsjedavajuća Svjetlana Zamboni, dakle izjašnjavat ćemo se o sve četiri tačke dnevnog reda, ove koje je Čatić obrazložio. Nastavljamo s radom, Adise da li ćete iznositi neke stavove nakon pauze. Samo izjašnjavanje. Idemo jednu po jednu tačku dnevnog reda. Obzirom da se rasprava zaključena dakle prvi Nacrt bio je Nacrt Odluke o usvajanju djelimične izmjene Regulacionog plana Centar-Maglaj sjeverni dio po zahtjevu Alu Wood Inžinjering d.o.o Maglaj. Prijedlog Službe za sve Nacrte je dakle 15 dana javni uvid, a nakon toga 15 dana javna rasprava.

Ko je za usvajanje ovog Nacrta? Jednoglasno.

Glasalo za; Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Edin Salatović, Edin Osmić, Mirsad Bežić, Safet Jašić (SDA), Hajrudin Ferić (DF)

ZAKLJUČAK

2.1. Usvaja se Nacrt Odluke o usvajanju djelimične izmjene Regulacionog plana Centar Maglaj – sjeverni dio, po zahtjevu Alu Wood Inžinjering d.o.o. Maglaj.

AD – 3 Nacrt Odluke o usvajanju Nacrta djelimične izmjene Regulacionog plana Centar Maglaj – sjeverni dio, po zahtjevu MEGA TAS doo Maglaj;

Predsjedavajuća Svjetlana Zamboni, idemo na narednu, a to je Nacrt Odluke o usvajanju Nacrta djelimične izmjene Regulacionog plana Centar Maglaj-sjeverni dio, po zahtjevu Mega Tas d.o.o. Maglaj, isti javni uvid i javna rasprava.

Ko je za ? Protiv? Uzdržan?

Konstatujem da smo i ovo usvojili jednoglasno. Te konstatujem da su nam se u radu priključila još tri vijećnika. Mislim da smo sada kompletni? Ko nam fali? Samo Maid nedostaje. 24 vijećnika su prisutna u sali.

Glasalo za; Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Edin Salatović, Edin Osmić, Mirsad Bežić, Safet Jašić, Eldin Pehrat, Jasmin Begić, Eldis Kusur (SDA), Hajrudin Ferić (DF)

ZAKLJUČAK

3.1. Usvaja se Nacrt Odluke o usvajanju Nacrta djelimične izmjene Regulacionog plana Centar Maglaj – sjeverni dio, po zahtjevu MEGA TAS doo Maglaj.

AD – 4 Nacrt Odluke o usvajanju Nacrta djelimične izmjene Regulacionog plana Kosova, po zahtjevu Džino Petrol doo Maglaj;

Predsjedavajuća Svjetlana Zamboni, prelazimo na narednu tačku dnevnog reda, a to je Nacrt odluke o usvajanju Nacrta djelimične izmjene Regulacionog plana Kosova, po zahtjevu Džino Petrol d.o.o. Maglaj. Ko je za ? Jednoglasno.

Glasalo za; Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić(HDZ BiH), Aida Bašić (A-SDA), Edin Salatović, Edin Osmić, Mirsad Bejzić, Safet Jašić, Eldin Pehrat, Jasmin Begić, Eldis Kusr (SDA), Hajrudin Ferić(DF)

ZAKLJUČAK

4.1. Usvaja se Nacrt Odluke o usvajanju Nacrta djelimične izmjene Regulacionog plana Kosova, po zahtjevu Džino Petrol doo Maglaj.

AD – 5 Nacrt Odluke o usvajanju Nacrta djelimične Izmjene Regulacionog plana „MISURIĆI“, po zahtjevu Bašić Esad Maglaj;

Predsjedavajuća Svjetlana Zamboni, Odluka o usvajanju Nacrta djelimične Izmjene Regulacionog plana “Misurići”, po zahtjevu Bašić Esad Maglaj. Ko je za donošenje ovog Nacrta? Konstatujem da je opet jednoglasno. S time smo izglasali sve ove Nacrt.

Glasalo za; Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić(HDZ BiH), Aida Bašić (A-SDA), Edin Salatović, Edin Osmić, Mirsad Bejzić, Safet Jašić, Eldin Pehrat, Jasmin Begić, Eldis Kusr (SDA), Hajrudin Ferić(DF)

ZAKLJUČAK

5.1. Usvaja se Nacrt Odluke o usvajanju Nacrta djelimične Izmjene Regulacionog plana „MISURICI“, po zahtjevu Bašić Esad Maglaj.

AD – 6 Prijedlog Odluke o gubitku statusa javnog dobra u općoj upotrebi k.o. Maglaj (Ćibrić Ćazim);

Predsjedavajuća Svjetlana Zamboni, prelazimo na narednu tačku dnevnog reda, a to je Prijedlog Odluke o gubitku statusa javnog dobra u općoj upotrebi k.o. Maglaj (Ćibrić Ćazim). Uvodničar je tu ako treba još pojasniti, mada sve stoji u materijalima.

Otvaram raspravu.

Zatvaram raspravu, te na glasanje stavljam Prijedlog Odluke. Ko je za donošenje ove Odluke?

Glasalo za, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić(HDZ BiH), Aida Bašić (A-SDA), Mirsad Bejzić, Edin Salatović, Edin Osmić, Adis Abdurahmanović, Safet Jašić (SDA),

Glasalo protiv, nema.

Uzdržanih, Hajrudin Ferić(DF).

ZAKLJUČAK

6.1. Usvaja se Odluka o gubitku statusa javnog dobra u općoj upotrebi k.o. Maglaj (Ćibrić Ćazim).

AD – 7 Prijedlog Odluke o davanju saglasnosti Kulaš (Džemal) Nihadu iz Kosove, općina Maglaj, za iskop i polaganje cijevi za vodovod za domaćinstvo preko dijela nekretnine u k.o. Kosova upisane kao javno dobro

Predsjedavajuća Svjetlana Zamboni, naredna tačka Prijedlog Odluke o davanju sagasnosti Kulaš (Džemal) Nihadu iz Kosove, općina Maglaj, za iskop i polaganje cijevi za vodovod za domaćinstvo preko dijela nekretnine u k.o.Kosova upisane kao javno dobro. Otvaram raspravu. Izvolite.

Vijećnik Mirza Mešić, samo ću da pitam kratko, da li je ovo greška ovdje u materijalu? Da je gore vlasnik tvornica Natron jednog dijela, da li je to tehnička greška ili nije mi jasno, kada je rađena ova Odluka. Piše jelde tako...samo da mi se objasni je li to greška ili je ...nije mi jasno.

Predsjedavajuća Svjetlana Zamboni, da li ima još pitanja za Službu? Nedžade hoćete molim vas izaći.

Nedžad Ćatić, to je vjerovatno u obrazloženju ste našli? Ovdje se samo opisno ovaj u ovom dijelu kaže o toj trasi. To je trasa koja ide od kuće Kulaš Nihada, koja ide tom trasom po ovom dijelu koji mi dajemo faktički saglasnost preko javnog dobra pa do ove parcele gdje je kapitaža koja se vodi na Natronu. Ustvari to je, ovo je šumarijno. On je već dobio saglasnost ŠPD-a znači kroz tu saglasnost ova Odluka bit će mu dokaz o rješanim imovinsko-pravnim odnosima da bi mogao dobiti građevinsku dozvolu. To je to.

Predsjedavajuća Svjetlana Zamboni, podrazumjeva se da su to riješeni već odnosi sa drugima. Hvala lijepo. Nije bilo više prijavljenih diskutanata. Te ovu Odluku stavljam na glasanje. Ko je za donošenje ove odluke? Protiv? Uzdržan? Jednoglasno.

Glasalo za; Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Edin Salatović, Edin Osmić, Mirsad Bežić, Safet Jašić, Eldin Pehrat, Jasmin Begić, Eldis Kusur (SDA), Hajrudin Fermić (DF)

ZAKLJUČAK

7.1. Usvaja se Odluka o davanju saglasnosti Kulaš (Džemal) Nihadu iz Kosove, općina Maglaj, za iskop i polaganje cijevi za vodovod za domaćinstvo preko dijela nekretnine u k.o. Kosova upisane kao javno dobro.

AD – 8 Prijedlog Odluke o davanju prethodne saglasnosti za veći broj upisane djece u JU “Dječiji vrtić” Maglaj.

Predsjedavajuća Svjetlana Zamboni, prelazimo na narednu tačku, Prijedlog Odluke o davanju predhodne saglasnosti za veći broj upisane djece u JU „Dječiji vrtić“ Maglaj. U materijalu imate obrazloženje za donošenje ovakve odluke, što je u nadležnosti Općinskog vijeća. Otvaram raspravu.

Vijećnik Eldin Pehrat, selamim i pozdravljam sve prisutne. Najprije želim da se u svoje ime i u ime kolega izvinem za kašnjenje, ali evo stigli smo. Imali smo iznenadnu posjetu iz kantona, pa eto nadam se da nije problem.

Predsjedavajuća Svjetlana Zamboni, nadam se da je protekla ugodno?

Vijećnik Eldin Pehrat, jeste. Što se tiče dakle sedme tačke dnevnog reda, ovdje se navodi da u ovom dokumentu se navodi, dakle da moraju postojati prostorni uslovi da bi došlo do povećanja broja korisnika usluga, odnosno djece. Dakle, nas zanima na osnovu čega mi ovdje vidimo da postoji dovoljno korisne površine odnosno površine koja se isključivo koristi za rad s djecom? Dakle da li je postojala određena Komisija ispred osnivača koja je izašla na teren i ustanovila da postoje takvi uslovi itd. ? S druge strane smatramo da će povećanje broja korisnika javne ustanove znatno uticati na konkurentnost privatnih vrtića koji ionako imaju slabu finansijsku podršku. Eto toliko.

Predsjedavajuća Svjetlana Zamboni, stav nećete onda iznositi ili hoćete? Gospodin Fermić.

Vijećnik Hajrudin Fermić, nisam se pripremao po ovoj tački da diskutujem, međutim onaj opet ću postaviti nekoliko pitanja. Naime, vidimo da je obrađivač ove Odluke Služba za stručne i zajedničke poslove, a ja bih volio da tu imamo predstavnika Dječijeg vrtića ipak su oni...

Predsjedavajuća Svjetlana Zamboni, evo ja ću reći..samo vi završite.

Vijećnik Hajrudin Fermić, ipak su oni inicijatori ove Odluke i mogli bi dosta toga da nam pojasne pa između ostalog i ovo pitanje kolege Pehrata. Ja sam također mislio upitati onaj obzirom na te pedagoške standarde koji oni su obavezni provoditi i koji eto kako piše tamo omogućavaju povećanje djece do 10 % samo koliko i da li će se odraziti. Znači ne samo na ove prostorne uslove nego i da li će se odraziti finansijski na eventualno povećanje zahtjeva iz Budžeta. Da li će se to odraziti na pitanje, jer ovo nije kratkoročno, ovo je znači trajno povećanje. Ne piše nigdje da je privremenog karaktera. Koliko će se odraziti na broj zaposlenih tamo, na materijalne troškove i naravno na ove pedagoške standard? Tako da sam ja volio da dobijem eto odgovore na ta pitanja kako bi kvalitetnije i jasnije mogli da odgovorimo. Inače u principu, ja nemam ništa protiv da damo saglasnost.

Predsjedavajuća Svjetlana Zamboni, direktorica JU Dječiji vrtić se javila prije početka sjednice, naime danas se održava velika priredba povodom Dana nezavisnosti za sve mališane u ustanovi i iz tog razloga ne prisustvuje ovdje. Materijal je pripremila gospođa Hasanić i može vam dati sva dodatna objašnjenja, a znamo da pedagoški standardi se odvijaju u predškolskim ustanovama spadaju u nadležnost kantona i podliježe strogim kontrolama, dakle kantonalnih inspekcija, ministarstva i samog Pedagoškog zavoda. Samo mala napomena. Izvolite Emina.

Emina Hasanić, sve vas pozdravljam obzirom da izlazim prvi put. Obzirom da direktorica Dječijeg vrtića nije prisutna zbog priredbe povodom Dana nezavisnosti, oprostite. Ovaj, sam obrađivač ove Odluke, znači na njihov zahtjev, a sam taj zahtjev je proistekao iz zapisnika nakon što je nadzor nad radom Dječijeg vrtića izvršila stručni savjetnik za oblast obrazovanja i u samom zapisniku konstatovano je da se traži saglasnost od strane osnivača. Obzirom da je osnivač Općinsko vijeće, znači potrebno je pribaviti saglasnost osnivača za povećanje 10% djece u odgojnim grupama. Znači nije to neki broj alarmantan, a postoji dosta zahtjeva. Bez obzira što imamo, pored ovoga imamo stvarno još ja mislim 3 registrovana privatna vrtića. Potreba za smještajem djece je stvarno ogromna. Znači, samo da se izađe u susret zahtjevima koje duže vremena stoje a samim time imamo i osim te potrebe imamo i zapisnik koji stoji od strane stručnog nadzora, stručnog savjetnika za oblast obrazovanja a sve je u skladu sa pedagoškim standardima.

Predsjedavajuća Svjetlana Zamboni, hvala lijepo. Bit će diskusija pa ukoliko....izvolite. gospodin Begić.

Vijećnik Jasmin Begić, ja vas sve selamim i pozdravljam. Vezano za ovu tačku dnevnog reda, zbog čega je velika potreba djece da se upisuju i njihovih roditelja da se uspisuju u JU Dječiji vrtić, iz tog razloga zato što JU Dječiji vrtić nije prilagodila cijene tržištu. Iz tog razloga što JU Dječiji vrtić konstantno dobiva sredstva od Općine Maglaj i onda može formirati te cijene koje nisu konkurentne na tržištu. Povećavanjem ovog broja djece prema JU Dječiji vrtić privatni vrtići će ostati bez djece i već sada imamo informacije sa terena da se jedan vrtić gasi zbog toga što ne može sa ovim cijenama da bude konkurent. Ako smo svi pratili izvještaje Dječijih vrtića koje smo imali u materijalu prošlih sjednica, vidjeli smo da su sve private ustanove poslovale negativno. Jel mi stvarno želimo da i dalje opterećenje na budžet proširivanjem kapaciteta u JU Dječiji vrtić, a na uštrb ljudi koji plaćaju doprinose, plaćaju uredno sve poreze i nisu na Budžetu Općine? Mislim da o tome trebamo svi dobro razmisliti, da li da prihvatimo ovo proširenje ili ne prihvatimo.

Predsjedavajuća Svjetlana Zamboni, javljam se za riječ.

Vijećnica Svjetlana Zamboni, mi stvarno zaboravljamo da je ovo naša javna ustanova kojom smo mi osnivači i koju mi trebamo u principu i da pomognemo u svakom smislu, pogotovo ukoliko je sve to uređeno zakonom i ukoliko je dozvoljeno propisima kakvi i jesu, ne vidim uopšte razlog...čisto sumnjam da 10% može uticati na to da će se neki drugi vrtić zatvoriti. Ko ima malo dijete zna da je lista čekanja duža od 8-9 mjeseci. Znači, potreba za Dječijim vrtićima je vrlo velika u Maglaju. Ne vidim da narušavamo dakle postojanje drugih vrtića time što omogućavamo da se provede propisano pravilo dakle o pedagoškim standardima u JU Dječiji vrtić Maglaj. Na kraju krajeva kako je Emina i rekla to je preporuka i mišljenje dato od stručnog nadzora iz kantona. Ne vidim zašto mi svojoj javnoj ustanovi ne bismo omogućili da proširi kapacitete za 10

% a da se poštuju i dalje pedagoški standardi i broj uposlenih i kapacitet prostorni i sve ostalo. Hvala lijepo.

Predsjedavajuća Svjetlana Zamboni, evo zaključujem raspravu po ovoj tački dnevnog reda, te ovu odluku stavljam na glasanje. Ko je za donošenje ovakve odluke?

Glasalo za, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhara, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Edin Salatović, Edin Osmić, (SDA),

Glasalo protiv, Jasmin Begić, Eldis Kusur, Eldin Pehrat, Adis Abdurahmanović, Safet Jašić (SDA)

Uzdržanih, Hajrudin Fermić (DF), Mirsad Bežić (SDA)

ZAKLJUČAK

8.1. Usvaja se Odluka o davanju prethodne saglasnosti za veći broj upisane djece u JU "Dječiji vrtić" Maglaj.

AD – 9 Plan rada općinskog organa uprave Općine Maglaj – Općinski načelnik za 2022. godinu;

Predsjedavajuća Svjetlana Zamboni, prelazimo na tačku 9. A to je Plan rada općinskog organa uprave Općine Maglaj – Općinski načelnik za 2022. godinu. Imate dakle sve u materijalima, ja ne bih pozivala nikakvog uvodničara, nego ukoliko bude pitanja da se pripreme odgovori. Otvaram raspravu. Zatvaram raspravu. Te Plan rada općinskog organa uprave Općine Maglaj- Općinski načelnik za 2022. godinu stavljam na glasanje. Ko je za ?

Glasalo za, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhara, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Hajrudin Fermić (DF),

Glasalo protiv, Jasmin Begić, Eldis Kusur, Eldin Pehrat (SDA)

Uzdržanih, Edin Osmić, Edin Salatović, Adis Abdurahmanović, Safet Jašić (SDA)

Mirsad Bežić (SDA)

ZAKLJUČAK

9.1. Usvaja se Plan rada općinskog organa uprave Općine Maglaj – Općinski načelnik za 2022. godinu;

AD – 10 a) Izvještaj Općinskog pravobranilaštva Maglaj za period 01.01.2021.–31.12.2021. godinu;

b) Osnovni zadaci i programska orijentacija za rad u 2022. godini.

Predsjedavajuća Svjetlana Zamboni, prelazimo na narednu tačku dnevnog reda a to je

a) Izvještaj Općinskog pravobranilaštva Maglaj za period 01.01.2021.–31.12.2021. godinu;

b) Osnovni zadaci i programska orijentacija za rad u 2022. godini.. otvaram raspravu, gospođa Nermina je tu, zamolila je ukoliko ne bude potrebe da ne bude uvodničar ima malih zdravstvenih problema. Otvaram raspravu, naravno sve će odgovore pružiti ukoliko bude pitanja. Izvolite . evo i direktorica je tu, gospođu Starčević završili smo upravo vašu tačku dnevnog reda, ali hvala vam u svakom slučaju što ste...znamo da je priredba, ja sam već najavila da je priredba.

Vijećnik Eldis Kusr, sve vas selamim i pozdravljam i evo kolega Pehrat je rekao zašto smo nas trojica kasnili. Ja bih samo pitao našu pravobraniteljicu nisam primjetio u Izvještaju koji nam je dostavljen da se pominje ova presuda koja je bila za OIK, znači nisam primjetio da je to spomenuto tu. Na prošloj sjednici Vijeća znate da smo spominjali da je kantonalni sud potvrdio presudu koja je donesena na nivou općinskom tako da..zašto nema toga? Zašto se i dalje ide u štetu Općine Maglaj i da rješava se ovaj problem. Ništa drugo.

Predsjedavajuća Svjetlana Zamboni, hvala lijepo izvolite Abdurahmanović.

Vijećnik Adis Abdurahmanović, selamim i pozdravljam sve prisutne. Izvještaj pravobranilaštva za 2021.godinu u ponuđenoj informaciji ne možemo vidjeti određene informacije koje govore o kvalitetu rada Općinskog pravobranilaštva a o čijem radu bi smo trebali dati sud. Podnošenjem izvještaja od strane Općinskog pravobranioaca ispunjena je zakonska obaveza član 50. Zakona o pravobranilaštvu međutim informacije koje bi trebale vijećnici da imaju nisu dovoljne. Ključne informacije koje bi vijećnici trebali imati u izvještaju, a iste nisu prikazane pa ćemo navesti par ako ne bude problem da nam se obrazloži. Koliko je bilo aktivnih sudskih sporova u toku 2021.godine? Koliko je istih riješeno u korist Općine? Koliki je iznos sredstava koje je Općina dužna isplatiti u narednom periodu na osnovu izgubljenih sporova ako ih ima, hvala.

Predsjedavajuća Svjetlana Zamboni, da li ima još diskutana? Nema, gospođo Nermina da li možete odgovoriti na postavljena pitanja?

Nermina Botonjić, sve vas selamim i pozdravljam, pa bih odmah krenula na odgovore na postavljena pitanja. Što se tiče ovih presuda vezano za OIK one još uvijek nisu pravosnažne, te tako nisu ni mogle biti u ovom izvještajnom periodu, jer izvještajni period obuhvata samo presude, jer su na njih uložene žalbe, samo presude koje su okončane u izvještajnom periodu. Vi ste vidjeli vezano za ovaj parnični postupak, da je u ovom predhodnom periodu riješeno, odnosno okončano samo 3 predmeta jer sud, organ uprave nije važno ne rade u izvještajnom periodu jedan postupak i ne dovede se do kraja. Najčešće je to prvostepena presuda ukoliko se i riješi u godini kad je podnesen tužbeni zahtjev, a potom imamo žalbe i sve do pravosnažnosti, znači ne može ući u izvještajni period. Što se tiče obaveza Općine Maglaj, one su dobrim dijelom opisane ovdje. Veći dio presuda koje su donesene još uvijek nisu pravosnažne tako da nisu ni mogle biti taksativno navedene, a i to su obaveze koje su evidentirane kako u našim službama tako i kod banke i one su kroz izvršni postupak u obavezi i da ih platimo i da naplatimo ono što se tiče našeg zahtjeva. Ne znam, možda je bila neka primjedba još, ali sve primjedbe vi možete staviti na rad na nerad nije ni važno, s obzirom da Općinsko vijeće odlučuje o pravobranioacu.

Predsjedavajuća Svjetlana Zamboni, dobio je Eldis odgovor, postavio je vezano za OIK, dobio je odgovor, kaže da je zadovoljan odgovorom. Nadam se da je i gospodin Abdurahmanović dobio odgovor na svoja pitanja.

Nermina Botonjić, ako vas interesuje isključivo parnica, znači to je...broj? Evo broj stoji, to je stajalo u izvještaju. Znači u 2021.godini predmeta u radu je bilo 28, zaprimljeno je 15. Predhodne godine preneseno je 13, riješeno znači po žalbi je riješeno 3 i ostalo neriješenih 25. To je nešto na što ne utiče ovaj pravobranilac.

Predsjedavajuća Svjetlana Zamboni, rekli ste već, vi ste već to obrazložili. Hvala lijepo gospođo Nermina. Na glasanje dakle stavljam i Izvještaj Općinskog pravobranioaca kao i osnovne zadatke i programsku orijentaciju za rad u 2022.godini. Ko je za?

Glasalo za, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhara, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Hajrudin Fermić (DF),

Glasalo protiv, nema

Uzdržanih, Edin Osmić, Edin Salatović, Adis Abdurahmanović, Safet Jašić, Jasmin Begić, Eldis Kusr, Eldin Pehrat, Mirsad Bejzić (SDA)

ZAKLJUČAK

10.1 Usvaja se Izvještaj Općinskog pravobranilaštva Maglaj za period 01.01.2021.–31.12.2021. godinu;

10.2. Usvajaju se Osnovni zadaci i programska orijentacija za rad u 2022. godini.

AD – 11 Nacrt Programa poticaja u poljoprivrednoj proizvodnji Općine Maglaj za 2022. godinu.

Predsjedavajuća Svjetlana Zamboni, prelazimo na narednu tačku dnevnog reda, a to je Nacrt Programa poticaja u poljoprivrednoj proizvodnji Općine Maglaj za 2022. godinu. opet da napomenem radi se o Nacrtu programa. Otvaram raspravu. Gospodin Šehić, zatim Bešić.

Vijećnik Senad Šehić, evo ovako sve vas pozdravljam, kada je u pitanju Program poticaja u poljoprivrednoj proizvodnji Općine Maglaj za 2022. godinu, on je kvalitetno urađen i već smo ranije konstatovali u većini da Općina Maglaj pruža kvalitetnu i kontinuiranu podršku za poljoprivredu na području naše općine. Vidimo da je odnosu na program iz 2021. godine Služba u novom Nacru predložila da se dodaju dvije nove kategorije, jedna je u biljnoj proizvodnji bundava za koštice, a druga je u animalnoj uzgoj rasplodne stoke. Obzirom da je ovo Nacrt Programa poticaja u poljoprivrednoj proizvodnji, u ime Kluba vijećnika SDP-a predlažem dodavanje još jedne kategorije, a to je podrška proizvodnji i preradi gljiva šampinjona i bukovača. Možda nemamo veliki broj registrovanih proizvođača gljiva na području općine Maglaj, ali bi možda uvođenjem ove kategorije stimulisali sve zainteresovane koji bi se željeli baviti proizvodnjom gljiva. Vjerovatno se isto mislilo i sa ovom kategorijom proizvodnje bundava za koštice. Možda bi bilo korektno spomenuti da mi imamo proizvođače šampinjona, neki od njih proizvedu i preko 20.000 tona godišnje gljiva i utrošeno preko 100 tona komposta. Podsjeti ću vas npr. da Općina Tešanj i Zavidovići u svojim programima poticaja, imaju podršku u proizvodnji i preradi gljiva. Sredstva koja se izdvajaju za ovu kategoriju dodjeljuju se registrovanim proizvođačima uglavnom za kupljeni i proizvedeni kompost koji je zapravo i glavni repromaterijal. Toliko, hvala.

Predsjedavajuća Svjetlana Zamboni, hvala lijepo. Uz napomenu gospodine Šehiću da to u pisanoj formi u ime Kluba dostavimo u javnu raspravu. Gospodin Bešić, pa Kusur.

Vijećnik Mustafa Bešić, evo ja vas sve selamim i pozdravljam pošto izlazim prvi puta. Pošto je ovo Nacrt Programa poticaja u poljoprivrednoj proizvodnji Općine Maglaj za 2022. godinu. ja neću puno pričati o tome, obratio bih se...dodao bih samo na kolegu Šehića ovo što je on iznio da smo mi kao..član Komisije sam za poljoprivredu predložili vijeću dvije stavke on je to iznio ne bih...ono što želim da vam sugerišem da svoje prijedloge i Nacrte Plana dostavite na javnoj raspravi, da dođete da se uključite, da napravimo jedan kvalitetan još ako mislite, ali u okviru ovih 195.000,00 KM. Mi možemo bubati ovdje koliko hoćete da prenosimo iz jedne u..ovo ono a da nemamo sredstava. Znači, ciljano da dođete s prijedlozima da kažete ta stavka a da se povuku sredstva s ovog na ovu stranu. Ne možemo povećavati ako nemamo sredstava. Eto toliko. Molio bih samo da se odazovete na javne rasprave, eto toliko hvala.

Predsjedavajuća Svjetlana Zamboni, hvala lijepo. Izvolite gospodine Kusur

Vijećnik Eldis Kusur, pošto je Nacrt ovog dokumenta, ja sam izašao da ćemo mi, da će Klub SDA dostaviti sve u pisanoj formi i svakako smo za to da treba se poljoprivreda u punom kapacitetu podržati, jel to je jedina alternativa nakon ovih evo kriza koje nastaju. Ljudi se moraju maksimalno posvetiti poljoprivredi, a i mi maksimalno kao zakonodavna, a nismo zakonodavna vlast moramo podržati svaki vid poljoprivrede. Znači, Klub SDA će dostaviti u pismenoj formi svoje prijedloge na Nacrt ovog dokumenta.

Predsjedavajuća Svjetlana Zamboni, hvala lijepo, izvolite Abdurahmanović.

Vijećnik Adis Abdurahmanović, evo kolega Kusur je iznio stav Kluba vijećnika SDA da ćemo dostaviti u pisanoj formi, međutim ja imam obavezu prema par uzgajivača što sam i predhodnih godina evo ponovo ću iznijeti tiče se kornišona. Slažem se isto dobar prijedlog i ja sam isto mislio predložiti ovaj kolega što je predložio za ove gljive...međutim znamo da smo ograničeni sa 195.000,00 KM i to sve treba rasporediti. Odlično izlaganje kolege Bešića, jel ja sam prošle

godine bio prisutan na javnoj raspravi, isto ovo što ću vama sada ovdje reći, rekao i odgovor je bio da nema sredstva su ograničena, pa ako imamo slažem se kolega da treba proširiti ima ljudi koji uzgajaju i gljive, međutim to je meni bio odgovor za kornišone. Evo navest ću ponovo. Pošto se i vi pozivate isto tako, znam da i Općina Tešanj i sve okolne općine imaju taj poticaj. Što se tiče kornišona sve okolne općine najmanja cijena otkupljenih kornišona je 0,15 feninga po kilogramu. Eh sada vidite samo jedan primjer znači mi imamo mnogo proizvođača koji siju jedan dulum i to je minimum za ostvarivanje i 100,00 KM je jedan dulum. Na tom dulumu ljudi uberu 5,5 do 6 tona evo ovi barem koje ja znam. 6 tona po 0,15 feninga vam dođe nekih 900,00 maraka ako se ne varam a ljudi dobivaju 100 maraka. Ako ćemo ići hajde da se ugledamo na okolne općine, pa ne mora biti 15 neka bude 10. Ako već imamo lufta da proširimo evo stavili smo bundave koliko sam uspio vidjeti, pa evo ima i prijedlog od Kluba SDP-a za gljive pa evo dao bih i ja a to ćemo kako je rekao kolega Eldis dostaviti u pisanoj formi, pa molio bih da se ima malo razumjevanja, jer ovo problem je dugogodišnji a ja iznosim koliko se sjećam već u predhodnom mandatu međutim nije bilo sluha pa nadam se da će ove godine biti. Hvala.

Predsjedavajuća Svjetlana Zamboni, hvala lijepo, evo kako ste i sami kazali sve prijedloge potrebno je dostaviti u pisanoj formi službi kako bi ušlo kao dio javne rasprave. Zaključujem raspravu po ovoj tački dnevnog reda te Nacrt stavljam na glasanje, samo Dženana nije rečeno u kojem period će biti javni uvid i javna rasprava.

Dženana Hadžiedhemović-Grahić, kako bi smo definisali vrijeme održavanja, odnosno je li period održavanja javne rasprave, ja ću ovako ispred Službe prenijeti Vijeću da recimo u odnosu na predhodnu godinu kada su se održavale javne rasprave, održavale su se i po mjesnim zajednicama. To je bila MZ Jablanica, MZ Kosova, dole za taj kraj i gore MZ Novi Šeher za taj kraj, te održavanje centralne javne rasprave ovdje u Sali vijeća. Na raspravama po MZ i u Novom Šeheru su bila dva poljoprivredna proizvođača. U Jablanici je bilo najviše, to je 12 učesnika, a dok je u Kosovi bio gospodin Atif, kolega Adis Abdurahamnović i kolega Mirza Mešić. Sada ja onako ispred Službe iznosim stav da li Vijeće je saglasno da se održi centralna javna rasprava ovdje u sali Vijeća, jer svakako ti ljudi dođu na centralnu javnu raspravu, jer održavanjem javnih rasprave po MZ-a četiri čovjeka idu iz Službe ili tri kako bi objasnili je li. Ide šef Službe, šef odjeljenja i na kraju službenik koji radi sa poljoprivredom, tako da ne bismo gubili vrijeme da predlažem Vijeću ispred Službe da centralna javna rasprava se održi samo jedna ovdje u sali Vijeća, naravno u periodu od koliko Vijeće smatra... evo ja dajem prijedlog recimo 30 dana kako bi poslije Komisija za poljoprivredu, je li mogla svoje prijedloge dati, a Služba će konačan materijal Vijeću ponuditi nakon što stignu svi prijedlozi i nakon što se utvrde finansijska sredstva za finansiranje svih poticaja poljoprivrede.

Predsjedavajuća Svjetlana Zamboni, hvala lijepo. Dakle evo na prijedlog Službe Nacrt stavljam na glasanje uz ovaj prijedlog da se održi samo centralna javna rasprava, jer svejedno sa terena svi dođu ponovo na centralnu da čuju prijedloge i drugih. Hajde molim vas, javljajte se prije nego zaključim raspravu i...ma ja čim iznosim prijedlog zaključka znači da je gotovo. Trebam svaki puta reći i reći ću..eto..

Vijećnik Jasmin Begić, svakako da je ovaj prijedlog iz Službe jako dobar i to treba ispoštovati iz razloga tog znamo da ti poljoprivrednici nemaju na kraju krajeva ni vremena ni mogućnosti da se odazivaju na te sve javne rasprave ali bi bilo dobro onaj pošto oni ne prate ni društvene mreže ni televiziju ni radio, nemaju vremena za to. Bilo bi dobro da Služba uputi našim tim barem većim proizvođačima pozive da se odazovu na tu javnu raspravu. Svjedoci smo da budu javni pozivi, a oni ne učestvuju samo iz tog razloga što oni nisu znali o tome. Tako znači samo da mislim da bi bilo dobro i imalo veći efekat da se dostave pozivi za tačnim terminom održavanja te javne rasprave.

Predsjedavajuća Svjetlana Zamboni, evo samo da podsjetim Vijeće i vijećnici su uputili gospođi Satki i Alužbi za njihov angažman kad je poljoprivreda u pitanju informisanje svih poljoprivrednih proizvođača itd.itd. mislim da je to jedna od najbrojniji javnih rasprava koja se ikada održava kada je poljoprivreda u pitanju i mislim da su svi i do sada bili zasta blagovremeno obaviješteni i u velikom broju se odazivaju na javne rasprave. To znaju oni dolaze. Dženana izvolite.

Dženana Hadžiedhemović-Grahić, ja se izvinjavam ovaj ja nisam rekla, moja je greška Služba uputi znači svim ...nakon što Vijeće usvoji Nacrt poticaja poljoprivredi, Služba uputi svim MZ-a i svim većim poljoprivrednim proizvođačima, tako da su oni uvijek obaviješteni na vrijeme. Naravno cijelo vrijeme to bude i na radiju i na televiziji, tako da u tom smislu nema prepreke, nego moja je greška što nisam to rekla.

Predsjedavajuća Svjetlana Zamboni, hvala lijepo. Na prijedlog Službe dakle Nacrt bi otvorio javnu raspravu u trajanju od 30 dana, gdje bi bila održana centralna javna rasprava uz predhodno obavještenje poljoprivrednih proizvođača o javnoj raspravi. Ko je za donošenje ovog Nacrta? Jednoglasno. **Glasalo za;** Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić(HDZ BiH), Aida Bašić (A-SDA), Edin Salatović, Edin Osmić, Mirsad Bejzić, Safet Jašić, Eldin Pehrat, Jasmin Begić, Eldis Kusur, Maid Suljaković (SDA), Hajrudin Ferić(DF)

ZAKLJUČAK

11.1. Usvaja se Nacrt Programa poticaja u poljoprivrednoj proizvodnji Općine Maglaj za 2022.godinu;

11.2. Da se javna rasprava provede u roku od 30 dana i da se održi centralna javna rasprava uz prethodno obavještenje poljoprivrednih proizvođača.

AD – 12 Plan i program rada Komunalnog javnog društva doo Maglaj za period 01.01. 31.12.2022. godina

Predsjedavajuća Svjetlana Zamboni, prelazimo na narednu tačku dnevnog reda, a to je Plan i program rada Komunalnog javnog društva d.o.o. Maglaj za period 01.01.-31.12.2022.godine. Otvaram raspravu. Izvolite gospodin Begić, pa Ferić.

Vijećnik Jasmin Begić, evo ovako, što se tiče Plana i programa rada KJD za 2022.godinu, ono što bih htio istaći to je da nisam nigdje vidio za čišćenje MZ-a. Prije svega znamo da su to u prošlom nekom periodu radili putari i održavali te lokalne puteve međutim sada nemamo tih putara i bilo bi dobro da komunalno barem jedan put u mjesecu osvrne se i na te malo ulice i lokalne puteve i da se i to očisti jer vidimo da stvarno pored puta u MZ-a ima jako puno smeća kojeg je ružno vidjeti. Druga stvar, to je vidim da ovim planom nije predviđeno donošenje nove Odluke o utvrđivanju cijene odvoza smeća za pravna i fizička lica. Odluka koja je na snazi već 13 godina ja mislim da je krajnje vrijeme da se ona izmijeni. Iz razloga tog što i danas dan vidimo da se smeće naplaćuje po kvadratu i pravnim i fizičkim licima, međutim Odluka se ne provodi u cjelosti što je naravno za posljednicu ima kršenje zakona i za posljednicu ima oštećenje Budžeta. Svi znamo da kvadrat ne proizvodi smeće, nego da proizvode određene djelatnosti i da proizvode članovi obitelji. Stoga je neophodno da iniciramo barem ovim planom donošenje nove Odluke koja bi imala adekvatnija rješenja s tim da bi bilo jako dobro da se organizuje javna rasprava povodom donošenja ove odluke. U kontaktu sa privrednicima Maglaja vidjeli smo da dobivaju veće račune za smeće nego za električnu energiju ili neke druge usluge.

Predsjedavajuća Svjetlana Zamboni, hoćemo se vratiti na Plan rada, gospodine Begiću.

Vijećnik Jasmin Begić, nemojte me prekidati vezano je za Plan rada.

Predsjedavajuća Svjetlana Zamboni, moram gospodine Begiću, znači ja vodim ovu sjednicu, te vas kanališem....

Vijećnik Jasmin Begić, nemoj me prekidati i kršiti Poslovnik.

Predsjedavajuća Svjetlana Zamboni, ne kršim Poslovnik, vraćam Vas...

Vijećnik Jasmin Begić, kršite, oduzimate mi riječ.

Predsjedavajuća Svjetlana Zamboni, ne oduzimam vam riječ, kanališem ovu raspravu.

Vijećnik Jasmin Begić, navedena odluka...

Predsjedavajuća Svjetlana Zamboni, znači sad ćemo mikrofone nabaviti koji će vas ukidati kada pričate...

Vijećnik Jasmin Begić, navedena odluka bi morala biti ovdje kao Prijedlog Vijeću da se donese nova, koja bi imala znači za cilj organizovanje javnih rasprava pravnih i fizičkih lica da se donese jednom kvalitetna odluka koja ne bi se bazirala na kvadrat. Primjera radi odvoz smeća trgovinske radnje 0,95 KM po kvadratu, šta mislite koliko plaća Bingo jedan odvoz smeća? Ne on ima povlašten status, koji nismo mi donijeli kao osnivač, nego to po nahodanju rade organi KJD d.o.o Maglaj i svjesno se oštećuje Budžet Općine Maglaj i krši zakon. Da se to više ne bi dešavalo predlažem da u ovom Planu predložite nam i donošenje nove odluke.

Predsjedavajuća Svjetlana Zamboni, dakle vaš je prijedlog da ovaj Plan predloži donošenje nove odluke, hvala lijepo. Dalje gospodin Ferić.

Vijećnik Hajrudin Ferić, ja ću iznijeti nekoliko rečenica i zapažanja kada je u pitanju sadržaj ovog plana i programa rada KJD za 2022.godinu i već iz samog iščitavanja zaista se vidi širok dijapazon, odnosno veliki broj djelatnosti koje pokriva ovo KJD i u kojem moram ovo reći zaista da evo već dobija veliki broj pohvala na kvalitet pružanja usluga u ovim oblastima prije svega onim koji su najviše i vezani za građanstvo. To oni objektivni posmatrači mogu zaista da ocijene i kroz neposredne razgovore sa građanima i putem društvenih mreža i putem različitih anketa itd. i to je dobro i pohvalno naravno. Ono što možda negdje u sjeni stoji u ovom Programu jesu određene teškoće s kojima se KJD susreće onako boljažljivo piše da će se nastojati riješiti itd. Zašto to govorim recimo kada je pitanju vodosnabdjevanje ako ste primjetili u prošloj godini rečeno je da je bilo 16 noćnih redukcija. Dakle to nešto što je zaista za pohvalu u onim sušnim vremenima kakva su nezabilježena da je grad, odnosno svi oni koji su korisnici gradskog vodovoda da su imali vodu za piće, ali sigurno da se nameće pitanje dakle govorimo o Programu rada kako proširivati ove kapacitete i koji su zapravo troškovi dodatni za KJD ukoliko bi se ove redukcije zadržale odnosno bile duži period nego što je to realno očekivano. Moramo o tome dugoročno razmišljati, eventualno da se traže određena izvorišta i povećanje kapaciteta za ovo snabdjevanje. Pogotovo što je veliki pritisak evo MZ-a koje su blizu grada prije svega Liješnice, naravno eto tu je Bijela Ploča, Misurići a svake godine dobijaju itd.dakle da razmišljamo o tome. Ono što je također vidljivo evo da ja sada ne spominjem sve te neke detalje, vidimo da planirate tu svakako i nešto što je jako dobro, da izvršite racionalizaciju troškova to je gradnja solarnih panela, zatim nastavljate sa proširenjem vodovodne mreže, nastavljate sa projektom selektivnog prikupljanja otpada. Ono što također, pohvalno ne znam koliko je to racionalno u smislu poslovanja besplatno prkupljate i vozite pepeo i kruti otpad. Organizujete i provodite mini projekte, mobilijare, hortikulturno uređnje, zasade cvijeća, dakle sve na svoj trošak i svoj račun a sve u korist zajednice. Ono što sam zapazio kroz ovaj program i što je zadatak na neki način i načelnika da koordinira to između općinskog komunalnog inspektora i KJD, da komunalni inspektor zaista pomogne da se recimo koliko toliko smanji broj nelegalnih prodaja na pijaca itd.itd. Imam ja tu puno nekih dobrih riječi ali ovaj sigurno nešto što na kraju sugerisem a to je da se kako dolaze ova vremena. 2021.godina je bila jako teško, a još mi je pred očima onaj Izvještaj o finansijskom poslovanju komunalnog za 2020.-tu koja je bila ona pozitivna ali nekako na granici rentabilnosti, dakle da se racionalnije ponašaju da razmišljaju malo više o prihodima da ovo što je gospodin Begić izjavio, ja opet ima isti argument ali samo sa drugačije pozicije, vaše cijene su odnosno tarife izuzetno niske. Obzirom na višestruko decenijsko povećanje troškova sa kojima se vi susrećete, prije svega poskupljenje struje, poskupljenje goriva i zaista ne znam kako uspijevate sve to da pratite u svemu tome. Dakle potrebno je da se razmišlja. Ja znam da je uvijek nepopularno da se govori o toj nivelaciji cijena, pogotovo ako je izborna godina, ali treba razmišljati o nivelaciji cijena u svim ovim djelatnostima koje vi pokrivete, naći racionalnije tarife koje će osigurati dakle i likvidnost i prostu reprodukciju komulanog što je zakonska obaveza, a isto tako i učiniti, odnosno ostvariti kvalitet usluga koje građani opravdano očekuju, a koje vi za sada zaista kvalitetno pružate. U tom kontekstu ja mislim da bi se mogla naći u nekom razumnom periodu jedna tarifna kalkulacija i kada je u pitanju vodovod i kanalizacija i kada je u pitanju otpad, ali i drugih određenih usluga koje vi pružate. Također ovaj jel, potrebno je racionalizovati

sve troškove zapošljavanje svesti na optimalan broj, a očekivanja su velika zaista. Očekivanje i obaveze koje dolaze moramo voditi računa o proširenju kapaciteta zamjene one primarne mreže, odvoza otpada, zatim na vama su velike obaveze kada je u pitanju deponija Nekolj itd.itd. u svakom slučaju riječi pohvale za rad komunalnog uz ove sugestije i evo ja očekujem samo da bi akobogda iduće godine moglo imati i određene finansijske pokazatelje planove za ovu godinu koji se programira.

Predsjedavajuća Svjetlana Zamboni, hvala lijepo. Konstatujem da se sjednici pridružio vijećnik Maid Suljaković. Izvolite gospodin Pehrat.

Vijećnik Eldin Pehrat, evo ja ću se osvrnuti na ovaj drugi dio koji je vezan za Plan i program rada KJD, dakle sugerisem na značajnije aktivnosti u ruralnim područjima. Nekoliko naših sugrađana mi je ukazalo na problem gdje recimo granjevina sa drveća dopire do puteva što otežava promet i ljudi i automobila itd. to je neka sugestija. Također druga stvar predložio bih čišćenje odnosno krčenje duž korita rijeke Liješnice u Novom Šeheru, do sada je bilo nekoliko puta pa evo da se nastavi i u narednom periodu.

Predsjedavajuća Svjetlana Zamboni, hvala lijepo. Evo bilo je nekoliko sugestija. Zaključujem raspravu po ovoj tački dnevnog reda, nema više diskutantata. Direktor KJD je tu, može se...evo javio se za riječ, osvrnuti na vaše diskusije. Hajte pa ću ja predložiti onda zaključak. Izvolite gospodine Bradariću.

Mehmed Bradarić, zahvaljujem gospođu predsjedavajuću, lijep pozdrav svima. Ja nemam namjeru prepričavati ovaj Plan i program, on se u principu bitno ne razlikuje od onih dosadašnjih planova. Dakle, on je baziran na ugovoru o redovnom održavanju javne higijene i zimskom održavanju ali isto tako baziran na, odnosno redovnom održavanju zelenila. Dakle to je sadržano, to je nešto što ste vi usvojili na predhodnoj sjednici Vijeća. To je sadržano u ovom planu, tako da se mi toga držimo ali budite sigurni da puno više radimo nego što je i tamo zapisano. Tako da ne treba objašnjavati, dakle nema gospodine Begiću privilegovanih zaista ako ima vi slobodno recite. Mogu vam i napismeno odgovoriti, ne bih o privilegovanim, jer bi se onda malo i iznenadili svi ovdje itd.itd. što se tiče cjenovnika, cjenovnik usvaja ovo Vijeće. Činjenica je da je ono usvojeno kada je u pitanju voda nekada zadnji put 2003.godine, dakle skoro prije 20 godina ako izguglate tamo vidjet ćete kod ovih komunalnih javnih društava koji se bave proizvodnjom vode, vidjet ćete to barem ne trebam ja prepričavati da je cijena vode među najnižim u državi. Čak šta više nemamo mnoge stavke planirane, ono održavanje satova itd. to ide sve o našem trošku, dakle KJD ne odlučuje o tome, odlučuje ovo Općinsko vijeće, a što se tiče smeća i to je među najnižim. Većina ovih komunalnih preduzeća radi naplatu po kvadraturi, tako da je to nešto što je u principu onaj možda i najviše zastupljeno. Gospodinu Fermiću hvala na čestitkama, teškoća ima, trudimo se eto da ih popravimo. Ne bih sada ovo odgovarao, dakle što se tiče čišćenja MZ-a konkretno Novog Šehera često nas gore vidite da radimo, pogotovo onu obalu rijeke, tako da gore ide redovno održavanje, bude čovjek koji održava čisti dio onih relacija. Na kraju da kažem da i pored svih ovih teškoća koje imamo počev od korone itd. KJD i ove godine kao i svake godine barem dok sam ja direktor posluje pozitivno iako imamo problema s amortizacijom kao i doktor Vehabović to su ogromne pare ali eto nekako se snalazimo i nismo dužni nikom ni jedne marke.

Predsjedavajuća Svjetlana Zamboni, čestitamo. Izvolite.

Vijećnik Jasmin Begić, pošto smo čuli od direktora da nema privilegovanih, molio bih samo da mi odgovori na pitanje, navest ću samo jednu firmu, a imam ih tamo već jedno 15. Poslovnica Bingo Maglaj shodno cjenovniku i Odluci koja je usvojena 2009. godine po kojoj tarifi i po kojem cjenovniku naplaćujete njima i ja mislim da su oni i još ovih 15.-20 firmi u povlaštenom statusu. Interesuje me koliko plaća i jel se poštuje cjenovnik i odluka koja je donesena 2009.godine?

Predsjedavajuća Svjetlana Zamboni, izvolite.

Mehmed Bradarić, gospodine Begiću ne mogu vam dati njihov računa, jer to moramo...pa onda da se uvjerite u cijenu koštanja. Dakle, nije to tačno što Vi kažete. Neću vam odgovoriti. Plaćaju po kvadratu i dakle tako je...iznenadili bi se zaista koliko ovaj grad ima koristi od te firme.

Predsjedavajuća Svjetlana Zamboni, izvolite Abdurahmanović, hajte da privodimo ovu diskusiju kraju znate da imamo i Svečanu akademiju.

Vijećnik Adis Abdurahmanović, ja bih samo onaj tražio, ako može evo i direktor Komunalnog sjeća se onaj što se tiče možda će se i složiti Odluka o plaćanju iz 2009.godine i smeća i vode i znači...sad trenutno se naplaćuje djelimično ne potpuno. Mislio bih da...želim istaći da mišljenje moje da bi trebalo tu Odluku da raspravljamo na Vijeću o tome. Da ta Odluka, jel ovo sad kako je znamo svi da u toj Odluci stoji da onaj po kvadratu i za domaćinstva što se tiče odvoza smeća. Znamo da u jednom dijelu naše općine se naplaćuje po članu, u drugom dijelu šest maraka u trećem osam, da se to objedni. Znači ništa neću kritikovati, ništa međutim samo znači mislim da je i vama u interesu da napravimo novu Odluku ko god da je pravio 2009.godine nije bila efikasna i nije primjenjivana, a sada trenutno se primjenjuje parcijalno ako se slažete. Znači, mislim da bi trebali da se nađe ta Odluka ovdje da svi zajedno napravimo Odluku koja će biti efikasna koja će..javna rasprava gdje će biti privrednici znači da će biti svi da o tome. Mislim da smo o tome raspravljali, nije nikada došla na Općinsko vijeće, ni prošli mandat ni ovi, pa mislim da je vrijeme. Hvala .

Predsjedavajuća Svjetlana Zamboni, ja zaključujem raspravu po ovoj tački dnevnog reda uz napomenu da su vaše diskusije vođene za Odluku o kojoj se govorili i oprečne, te vam sugerisem da možda u okviru vijećničkih pitanja i inicijativa pokrenete jednu takvu inicijativu a da se onda u nekom narednom periodu pripremi neki Nacrt te Odluke koja će otići u javnu raspravu. Evo nakon ovih diskusija i iznesenih sugestija Plan i program rada KJD d.o.o. Maglaj za period 01.01.-31.12.2022.godine stavljam na glasanje. Ko je za usvajanje?

Glasalo za, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Hajrudin Fermić (DF),

Glasalo protiv, Jasmin Begić (SDA)

Uzdržanih, Edin Osmić, Edin Salatović, Adis Abdurahmanović, Safet Jašić, Eldin Pehrat, Mirsad Bejzić, Maid Suljaković (SDA).

Gospodin Kusr nije prisutan u sali za vrijeme glasanja.

Sad hoću da kažem da treba Općinsko vijeće donijeti dakle oponumocići mene da dam saglasnost, odnosno upustvo o glasanju na Skupštini KJD. To radimo svaki put prilikom donošenja odluka vezanih za KJD i uvijek dajemo punomoć predstavniku na skuštini KJD. Ko je za donošenje odnosno opunomoćivanje predsjedavajuće da ovlasti prestavnika većinskog vlasnika?

Glasalo za, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Hajrudin Fermić (DF),

Glasalo protiv, Jasmin Begić (SDA)

Uzdržanih, Edin Osmić, Edin Salatović, Adis Abdurahmanović, Safet Jašić, Eldin Pehrat, Mirsad Bejzić, Maid Suljaković (SDA).

ZAKLJUČAK

12.1. Usvaja se Plan i program rada Komunalnog javnog društva doo Maglaj za period 01.01.31.12.2022.godina;

12.2. Ovlašćuje se predsjedavajuća Općinskog vijeća da da saglasnost opunomoćeniku ispred državnog kapitala da na Skupštini Komunalnog javnog društva d.o.o. Maglaj glasa za Plan i program rada „Komunalno javno društvo“ d.o.o. Maglaj za 2022.godinu.

AD – 13 a) Izvještaj o realizaciji Plana kapitalnih investicija općine Maglaj za 2021.godinu;

b) Plan kapitalnih investicija Općine Maglaj za 2022 – 2024. godine;

Predsjedavajuća Svjetlana Zamboni, idemo na narednu tačku dnevnog reda a to je

a) Izvještaj o realizaciji Plana kapitalnih investicija općine Maglaj za 2021. godinu;

b) Plan kapitalnih investicija Općine Maglaj za 2022 – 2024. godine; Mešić pa Pehrat.

Vijećnik Mirza Mešić, ja ću se kratko osvrnuti samo malo na izvještaj koji se odnosi na mjesto iz kojeg ja dolazim, na MZ Kosova i da malo na prošlu sjednicu da gospodinu Abdurahmanoviću repliciram evo ovim Izvještajem koji kaže da Kosova je paralizovana itd. Međutim ovdje imamo ako sam ja dobro sračunao 169.249,00 KM uloženo je u Kosovu. Što se tiče vodovoda i kanalizacije, rasvjete i putne infrastrukture znači riješeni su. Što se tiče sa općinskog nivoa, što se tiče sa viših nivoa znači sredstva su uplaćena, samo kratko odnosno izvršeni su radovi. Eh šta imam kad su kapitalne investicije tamo imamo da smo Kosovi, ostala je dionica još jedna malo više ostalo i malo ima prema Begićima stoji na svom mjestu stoji...a isto tako ostala je dionica pa bih htio ako postoji mogućnost da se uvrsti i ovaj dio koji se odnosi kod stare džamije prema Sejmenovića brdu kada je u pitanju rasvjeta. Kada je u pitanju grad Osnovna škola Maglaj bivša Saud Brkić zaista postoji problem, ulica je u stvarno lošem stanju. Ovdje nisam našao da je iako gospođa Enisa Hatičić zaista radi svoj posao izvrsno, ovdje nisam našao da je u Planu da se radi. Svako ko prolazi tom ulicom vidi kakvo je stanje, a tim dijelom se stalno kreću djeca znači škola je tu. Ukoliko postoji mogućnost da se i to uvrsti da se radi u narednom periodu i jedan dio te ulice, također je ostao bez rasvjete. Pored gore Sportino placa da li nedostaje jedna lampa ili nešto uglavnom... evo djeca idu navečer pogotovo u zimskom periodu zaista je mrak. Ja sam išao po svoju djecu i uvjerio sam se. Nije baš ugodno hodati tom dionicom. Također isto ta ulica, Aleja Ljiljana svi smo svjedoci između ulice Viteška i Ulica Sulejmena Omerovića Cara da se iznalazi rješenje u budućem periodu da se te ulice, te dionice rješavaju ako postoji mogućnost. Toliko i hvala.

Predsjedavajuća Svjetlana Zamboni, Bešić, pa Pehrat. Ustvari Fermić jel bio prije?

Vijećnik Mustafa Bešić, pa ja bih samo jedno pitanje predsjedavajuća možemo li se osvrutati po obe tačke?

Predsjedavajuća Svjetlana Zamboni, naravno i pod a i pod b.

Vijećnik Mustafa Bešić, ma ja da ne izlazimo dva puta. Što se tiče Izvještaja o realizaciji Plana kapitalnih investicija imamo ovdje fino mislim jako mi je drago što ćemo, moram da pohvalim Općinu i načelnika i Vijeće što konstantno radimo na cijeloj općini Maglaj. Znači ulaganja idu ovdje ima fino piše može se pogledati kroz sve MZ-e. znači 2021-2023. svrstano je 72 projekta. Ono što mi je drago za moju MZ-u gdje konstatno radimo svake godine nešto znači pomjeramo, pravimo ambijent ljepšeg življenja. Mi smo kao MZ-a, i vijećnik sam predložio u ovom i narednom period znači one prioritete gdje sam tražio rješavanje vodosnabdjevanja naseljenog mjesta Domislica. To vam je jedan od najvećih problema u ovom naseljenom mjestu. Gorući problem gdje imamo učestalu redukciju gdje je planirana sredstva u ovom Planu i projektu gdje akobogda nastavljamo sa realizacijom asfaltiranja puta Balele-Domislica gdje povezuje tri MZ-e. gdje su isto izdvojena sredstva planirana oko 30.000,00 KM gdje ćemo akobogda planiramo u ovoj godini 15.000,00 KM...jako je bitan taj put da se povežu Čobe-Novi Šeher-Domislica. Imamo problem isto koji sam nagovijestio gdje tražimo isto rješavanje Doma kulture u naseljenom mjestu Domislica, gdje sam sa načelnikom razgovarao gdje nam je krov jako oštećen, gdje je potrebna sanacija, hitna sanacija gdje je uvršteno u ovoj godini akobogda da će se riješiti taj...Imamo prednje rogove, krov, lamperija znači prokišnjava nam krov. Nastavit ćemo znači ulaganje u infrastrukturu. Hoću da napomenem da smo u Domu kulture uradili PVC stolariju prije 2-3 godine isto kroz ovaj plan i projekte. Mislim ono što je dobro treba da se pohvali i kažeš ovdje na vijeću. Želim vam uspješan rad i vjerujem da ćemo uspješno ako Bog da još dosta dobrih projekata uraditi zajedno. Toliko i hvala.

Predsjedavajuća Svjetlana Zamboni, hvala lijepo. Pehrat je sada pa Arnautović. Fermić. Hajde poslije Pehrata Fermić, pa onda Arnautović

Vijećnik Eldin Pehrat, ja imam samo pitanje za službu čitajući ovaj plan nisam primjetio da je uvrštena poslovna zona Novi Šeher. Prošle godine kad smo imali bilo je uvršteno. To je jedan od

najznačajniji projekata za cijeli kraj Novog Šehera, pa me zanima da li se radi možda o nekoj tehničkoj greški ili uopće nije stavljen. Eto.

Predsjedavajuća Svjetlana Zamboni, hvala. Fermić.

Vijećnik Hajrudin Fermić, znači rekonstrukcija putne komunikacije u Liješnici od škole pored doma do zaseoka Bajrići, kupovina zemljišta za izgradnju sportskog poligona u naselju Tujnica i izrada autobusnog stajališta i nadstrešnice ispred osnovne škole Tujnica, uređenje i sanacija to je gospodin Mešić već rekao a ja bih dodao ovdje i parkinga kod Osnovne škole Maglaj, dalje mislim da bi zaista trebali da započnemo sa jednim vrlo ozbiljnim projektom, a to je sanacija odnosno rekonstrukcija trotoara i ja predlažem u narednom periodu, ja predlažem da počnemo i ovu rekonstrukciju trotoara na dionici u Viteškoj od Vočka pa do raskrsnice sa Ulicom 1.Marta jer zaista je više nego katastrofalno stanje i nekoliko starijih osoba zamolilo me da prenesem i oni koji idu tim putem. Evo tu i policajci zaista mogu da vide kako su se one kocke podigle, kako su napravile udubljenja i zaista predstavljaju ogromnu opasnost, a mislim da bi trebalo započeti pa makar dionicu po dionicu i sa tom konstrukcijom. Također bih upitao, a mislim da je konačno vrijeme i da počnemo stavlјati u ovaj program kapitalnih investicija i asfaltiranje ove ulice koja ide od Konzuma prema TE objektima, ta ulica se radi slagat ću od 2008-2009.godine to je već nekih 15 godina. Zaista se puno sredstava dalo i otkup ovaj, eksproprijaciju zemljišta. Ako je to završeno ako je makar dionica pripremljena da nastavimo to asfaltiranje da možemo spojiti sa sjeverne strane do ove, do ovog dijela kod Konzuma. Naravno evo pohvalio bih, ali bih isto tako i apelovao da se zaista jednom i realizuje da u ovom programu ima uvršteno i uklanjanje arhitektonskih barijera. Dakle, to su one arhitektonske teškoće za osobe koje su u stanju potrebe, odnosno za paraplegičare, invalide, starije osobe itd., a da mogu pristupiti javnim objektima i saobraćajnicama. Pa evo predlažem da zaista ove godine, ovo nam se vuče već 5-6 godina, ali da ove godine realizujemo pa makar ovdje u Biblioteku i Dom kulture, a da ne govorimo koliko bi bilo značajno da se uradi arhitektonska barijera i u ambulanti u Liješnici.

Predsjedavajuća Svjetlana Zamboni, hvala lijepo. Arnautović.

Vijećnik Elvir Arnautović, pozdravio bih sve prisutne i ako može da uvrstimo u Plan i program i dio puta koji se odnosi na Omerdinom Polju koji vodi prema Papazima u dužini nekoj 250-300 m.

Predsjedavajuća Svjetlana Zamboni, to je već dugogodišnji zahtjev istina za taj put. Evo to bi bile diskusije vijećnika. Gospođa Hatičić ili ko će ponuditi odgovore, gospodin Čatić. Ko će se osvrnuti na diskusije. Nermin, oprostite mislila sam da je Enisa.

Nermin Bešliagić, dobar dan, pozdravlјam sve prisutne. Otprilike ovaj čuli smo sve ove prijedloge, sugestije, vrlo konstruktivno i vrlo životne, vrlo potrebne s te strane sigurno da će oni naći svoje mjesto u nekom dalјem razmatranju i u planovima rada Općine Maglaj. Što se tiče samog Izvještaja kao što se vidjeli otprilike realizacija u ovom uvodnom dijelu je prikazano sam kontekst tog donošenja Plana za 2021.i u tabelarnom dijelu prikazana je pojedinačna intervencija koje su proveden u 2022.po ovim oblastima u kojima jesu. Vidjeli smo da je plan otprilike, prilično finansijski, bar prilično realno planiran i da je realno i u tom nekom obimu i izvršen. S te strane uz sve te poteškoće koje prate uticaj pandemije, Covid 19 i svi drugi uticaji. Tako s strane znači jednim dijelom može se biti zadovolјan, naravno uvijek može bolje, uvijek može više i sigurno uz angažman svih nas skupa i uticaje na svim mjestima gdje se donose odluke, sigurno da to možda moglo biti još bolje. Što se tiče ovaj Plana za 2022.godinu također vidjeli ste u planu da su planirani projekti, dijelom dio projekata koji nije završen u 2021.godinu s tim što iz samog izvještaja planirani projekti u 2021.godini su jednim dijelom ovaj nisu ušli u izvještaj kao realizirani a već su sada u ova dva mjeseca realizirani ili je njihova realizacija u toku, tako da je sigurno nešto što će biti prikazano u realizaciju za 2022.godinu. Što se tiče plana, znači prije svega hajmo reći u plan su uneseni svi projekti koji nisu realizovani u 2021.godini a bili planirani i dalje po Javnom pozivu prema MZ-a kadidovani su projekti MZ-a i MZ-e su dostavile hajmo reći svoje prioritete tako da ste strane vodilo se računa o prioritetima MZ-a. Vodilo se o realizaciji iz predhodne godine, vodilo se računa o strategiji razvoja i svih drugih uticajima i s te strane plan je isto tako kakav jeste. Čini mi se da je on u nivou ove godine kako je realizovan za 2021.godinu. što se tiče ovih primjedbi koje su iznesene ovdje, poslovna zona Novi Šeher ona jeste u planu u

2022.godini kao projektna dokumentacija, možete vidjeti tamo u tabeli sa iznosom 25.000,00 čini mi se itd. Znači, radi se o projektovanju poslovne zone Novi Šeher. Što se tiče svih ovih drugih prijedloga, svakako Općina Maglaj ih ima u vidu i imat će ih u vidu i poslije ovih vaših dodatnih intervencija i s te strane ovdje su nisu znači Plan kapitalnih investicija ovakav kakav jeste, sigurno nije prepreka za njihovu realizaciju, za njihovo ovaj izvođenje i s te strane bih preporučio da usvojimo ovakav izvještaj o realizaciji, odnosno Plan kapitalnih investicija za 2022.godinu u ovom obliku kakav jeste a sve ove sugestije u onoj mjeri u kojoj bude realno da se realizuju, da se realizuju i da svakako da su primljene znanju.

Predsjedavajuća Svjetlana Zamboni, hvala vam. Hvala lijepo, zaključujem raspravu po ovoj tački dnevnog reda, evo upravo ovako kako je gospodin Bešlagić i predložio dakle prijedlog je zaključka da se usvoji dakle i Izvještaj o realizaciji Plana kapitalnih investicija Općine Maglaj za 2021.godinu a Plan kapitalnih investicija Općine Maglaj za 2022.-2024.godinu ovakav kakav je i dostavljen, uvažavajući sve iznesene sugestije uz naravno ukoliko se ukaže mogućnost realizacije da to tako bude urađeno i u narednom periodu. Ko je za usvajanje Izvještaja o realizaciji?

Glasalo za, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhara, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Hajrudin Fermić (DF),

Glasalo protiv, Jasmin Begić, Eldis Kusr, Eldin Pehrat (SDA)

Uzdržanih, Edin Osmić, Edin Salatović, Adis Abdurahmanović, Safet Jašić, Mirsad Bežić, Maid Suljaković (SDA).

I imamo pod b Plan kapitalnih investicija Općine Maglaj 2022.-2024.godina uvažavajući sve iznesene sugestije. Ko je za usvajanje plana ?

Glasalo za, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhara, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Hajrudin Fermić (DF),

Glasalo protiv, Jasmin Begić, Eldis Kusr, Eldin Pehrat (SDA)

Uzdržanih, Edin Osmić, Edin Salatović, Adis Abdurahmanović, Safet Jašić, Mirsad Bežić, Maid Suljaković (SDA).

ZAKLJUČAK

13.1. Usvaja se Izvještaj o realizaciji Plana kapitalnih investicija općine Maglaj za 2021.godinu;

13.2. Usvaja se Plan kapitalnih investicija Općine Maglaj za 2022 – 2024.godine.

AD – 14 Plan i program održavanja, sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2022. godinu

Predsjedavajuća Svjetlana Zamboni, prelazimo na narednu tačku dnevnog reda, a to je Plan i program održavanja, sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2022. godinu. Otvaram raspravu, uz napomenu da evo vidjet ćemo kako teče ova tačka dnevnog reda da ćemo u 11:25 sati, pola 12 napraviti pauzu zbog održavanja svečane akademije, obzirom da vidim dva inspektora prisutna u sali Općinskog vijeća, tako da znate, a pauza će trajati do 13h, kad ćemo...ja se nadam da hoćemo. Otvaram raspravu, izvolite, Salatović, pa Kusr neće.

Vijećnik Edin Salatović, evo neću ja puno, sve vas selamim i pozdravljam. Znači imam samo dvije stvari. U planu održavanja puteva i ulica za 2022.godinu nije predviđeno zimsko održavanje puta u Gornjim Bradićima. Znači Gornji Bradići selo Krušik u dužini nekih od 700 m. kako se radi

o terenu sa usponom jako je teško i prolaziti tim putem u tom zimskom periodu. Znači, ove godine su stanovnici od svojih sredstava izdvajali i kupovali posipni materijal i sol. Tako da mislim da bi to u 2022.godini trebalo popraviti i da se to napravi. Što se tiče još također treba pristupiti nasipanju puta u Gornjim Bradićima također na potezu podvožnjak- Bare u dužini od pola kilometra. Ja bih samo da kažem, mislim da ovo nije problem Službe nego ne postojanja organa MZ-e koji nisu delegirali ovo pitanje, tako da smatram da se i opet apelujem da se izaberu organi MZ-a koje bi ova i slična pitanja rješavali u našoj MZ-i.

Predsjedavajuća Svjetlana Zamboni, hvala lijepo. Ko je sljedeći? Odustaje Kusr. Abdurahmanović.

Vijećnik Adis Abdurahmanović, što se tiče Plana i programa održavanja koliko sam vidio u materijalu, planirano je 425.000,00 KM ukupno za Plan i program od toga 190.000,00 KM za održavanje i rekonstrukciju lokalnih cesta sa saobraćajnom signalizacijom 110.000,00 sanacija postojećih i izgradnja novih cesta i asfaltnih površina i 125.000,00 zimsko održavanje lokalnih i nekategorisanih cesta. Sad ću se osvrnuti na planirane radove na dionici Donja Kosova-Topola-Šljivice su 16.484,00 KM. Smatram od ove ponuđene cifre u materijalima, želio bih da se...neću se osvrnuti samo na svoju MZ-u dao sam samo napomenu, znači kompletnu općinu Maglaj ću pričati. Da bude transparentno, mislim da je nedovoljno ovo sredstava. Znamo da su nam putevi propali, evo ja ću napomenuti neke gdje znam gdje se krećem. Napomenut ću MZ Domislica, imamo na jednom mjestu baš put je propao. Evo u našoj MZ-i zna kolega Mešića na relaciji Begići gore, imamo Krušik, imamo u Kopicama znači, vjerovatno u svim. Pa bih sugerisao ovoliko koliko ima sredstava da se transparentno raspoređi da služba bude u kontaktu sa predsjednicima MZ-a, odnosno povjerenicima i da vide gdje je najkritičnije da se tu..jer ova sredstva ne mogu mislim da nisu dovoljna da se koliko imamo potrebe za održavanje ovih propalih cesta. Hvala.

Predsjedavajuća Svjetlana Zamboni, mislim da neće niko reći da se ne slaže s vama da nisu dovoljna, ali toliko imamo. Tu se diskusija završava, zaključujem raspravu po ovoj tački dnevnog reda. Dakle jedino što mogu sugerisati da se sve ove diskusije uzmu u obzir na način kako ste to i iznijeli, te Plan i program održavanja sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2022.godinu stavljam na glasanje. Ko je za ?

Glasalo za, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhara, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (A-SDA), Hajrudin Ferić (DF),

Glasalo protiv, Jasmin Begić, Eldis Kusr, Eldin Pehrat (SDA)

Uzdržanih, Edin Osmić, Edin Salatović, Adis Abdurahmanović, Safet Jašić, Mirsad Bejić, Maid Suljaković, (SDA).

ZAKLJUČAK

14.1. Usvaja se Plan i program održavanja , sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2022. godinu.

AD – 15 Izvještaj o radu Općinskog vijeća Maglaj za 2021.godinu;

Predsjedavajuća Svjetlana Zamboni, prelazimo na narednu tačku dnevnog reda a to je Izvještaj o radu Općinskog vijeća Maglaj za 2021.godinu. da vas podsjetim da smo nekoliko puta odnosno primali informaciju k znanju. Zahtjevali ste da u ovom slučaju bude Izvještaj, samo je promijenjen naziv, sam sadržaj materijala je ostao isti. Otvaram raspravu. Izvolite Ferić.

Vijećnik Hajrudin Ferić, nema ba, vrlo kratko ću.do 11 i 20.

Predsjedavajuća Svjetlana Zamboni, imate 9 minuta sa ostalim diskutantima i da usvojimo Izvještaj. Zaboravi papir.

Vijećnik Hajrudin Ferić, znam ja to i napamet. Dakle, ma znam napamet, ne treba mi papir.

Predsjedavajuća Svjetlana Zamboni, idemo, 6 minuta teče.

Vijećnik Hajrudin Ferić, prije svega izašao sam ovdje da kažem da iznesem svoj stav a to je da neću prihvatiti ovaj Izvještaj o radu Općinskog vijeća za 2020.godinu, iz više razloga.

Predsjedavajuća Svjetlana Zamboni, 2020. ili 2021.godinu

Vijećnik Hajrudin Ferić, 2021.lapsus..dakle koji su razlozi. Prije svega razlozi su na neki način i štrahirani u samoj informaciji u pisanom materijalu koji smo dobili, a to je da smo imali preko 200 zaključaka a nemamo na tom papiru koliko je realizovano zaključaka, koliko je u fazi realizacije a koliko nije i neće biti realizovano zaključaka. To je jedan od tih argumenata. S druge strane također bih upitao ovaj obzirom na član Poslovnika koji kaže ne mogu se zaključkom donositi odluke, rješenja i drugi upravni akti a mi ih evo kada vidite, otvorite zapisnik vidite da smo sve mi zaključkom donijeli odluku, donijeli rješenje itd. Kada su u pitanju odgovori na vijećnička pitanja i inicijative onda također možemo reći da nemamo u ovom materijalu osim broja postavljenih pitanja i inicijativa, nemamo koliko je odgovorenih, nemamo razloge, nemamo institucije kojima su poslana i koje su odgovorile, odnosno koje nisu odgovorile, kojima su odgovorile i koje nisu odgovorile na sama vijećnička pitanja i inicijative a i sama sudbina inicijativa koje postavljaju vijećnici ne idu u skladu sa Poslovníkom o radu Općinskog vijeća onako onu proceduru kakva bi trebala. Kada je u pitanju rad Komisija Općinskog vijeća onda je zaista više nego jasno da te Komsije uopšte nisu dale rezultat, odnosno nisu se pokazale kao vjerodostojne i nisu apsolutno ništa radile. Od Komisije koja nema ni jedne svoje sjednice kao što je ova Komisija za obilježavanje značajnih događaja i datuma pa do četiri sjednice Komsije za dodjelu javnih priznanja. Mi u Poslovníku o radu Općinskog vijeća stoji da je obavezno da vijeće dobija Izvještaj o radu svake Komisije, mi ga nismo dobili i na tome insistiram. Također ovo Općinsko vijeće prošle godine je nekako naprasno izbrisalo iz svog Programa rada Informaciju o realizaciji zaključaka kvartalno. Dalje zašto to sve govorim u ovom dokumentu papiru piše da ste vi u aprili predsjedavajuća i zamjenica bile na jednom skupu koji je organizovao OSCE a gdje se govorilo o načinima realizacije odnosno utvrđivanja programa borbe protiv korupcije, transparentnosti, poštivanja etičkog kodeksa itd.nismo mi kao Vijeće, dakle govorim kao organ nismo upoznati o tome, nismo apsolutno ništa radili niti imamo informaciju da li je potrebno nešto da radimo na tome asmatram da ovo Općinsko vijeće najmanje što je do sada uradilo jeste uradilo na osiguranju integriteta svog rada, a osiguranje integriteta jeste jednako prevencija korupcije. Tako da evo polako meni ističe ovih 6 minuta. Imam zaista dosta još da kažem kada je u pitanju sjednica Općinskog vijeća kada su u pitanju tačke dnevnog reda gdje ni jednom i to nije samo prošle godine, nego je i raniji godina ni jedne rečenice nismo imali kada su u pitanju mladi, kada je u pitanju zaštita okoliša, kada je u pitanju kultura itd.itd. a od 10 sjednica, moram ovoi završavam. Od 10 sjednica Općinskog vijeća na 6 sjednica uvrštavali smo dnevni red na samoj sjednici, odnosno proširivali na samoj sjednici što se pokazuje kao pravilo iako bi trebalo da bude rijetki izuzetak sa posebnim razlozima zbog čega se to radi. Još ako dodamo da ne dobijamo materijale ni za jednu sjednicu vijeća nismo dobili redovno materijale u onom roku od 7 dana, onda zaista ne možemo dati pozitivnu sliku a mislim da bi dobro bilo da i kolegij ima to po Poslovníku svoju i nadležnost i obavezu da malo razmotri sve ove primjedbe koje sam ja...

Predsjedavajuća Svjetlana Zamboni, ispravka krivog navoda, materijali se dostavljaju na vrijeme, to članovi Kolegija znaju isti dan kada se održi Kolegij materijali se dostavljaju vijećnicima uz najavu i saglasnost Kolegija da neki materijali će biti dostavljeni naknadno zbog pripreme u službi i to Kolegij uvijek tako i podrži. Znači moram ispraviti taj navod. Evo zaključujem raspravu po ovoj tački dnevnog reda dakle radi se o Izvještaju. Dakle ovo o čemu je gospodin Ferić govorio mogu biti i sugestije za pripremu narednog Izvještaja u 2022.godini. opet vas podsjećam da koristite svoje pravo na vijećnička pitanja i inicijative kako biste dobili pojašnjenja za sve ono o čemu ste govorili u svojoj raspravi a Izvještaj stavljam na glasanje. Ko je za ?

Glasalo za, Svjetlana Zamboni,Elvir Arnautović, Mirza Bradarić, Fikret Delić, Jasmin Đuhara, Samir Fetić, Mirza Mešić, Arif Mujkanović, Almin Smailović, Firuz Galijašević,Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik),Pero

Mamić(HDZ BiH), Aida Bašić (A-SDA), Mirsad Bejić, Jasmin Begić, Eldis Kusur, Eldin Pehrat (SDA)

Glasalo protiv, Hajrudin Fermić(DF),

Uzdržanih, Edin Osmić, Edin Salatović, Adis Abdurahmanović, Safet Jašić, Maid Suljaković, (SDA).

ZAKLJUČAK


15.1. Usvaja se Izvještaj o radu Općinskog vijeća Maglaj za 2021. godinu.

Mislim da bismo ovdje trebali napraviti pauzu u 11:20 sati, a naredna tačka je Izvještaj inspektora. Ja se izvinjavam, ali mi smo se prije početka sjednice dogovorili da napravimo pauzu u 11:20 sati radi polaganja cvijeća i održavanja Svečane akademije. Pozivam vas da nam se pridružite na Svečanoj akademiji svakako. Hoćete da prekinemo sjednicu ovdje da ovo prebacujemo za narednu sjednicu?

Dakle prekidamo održavanje sjednice, sve preostale tačke prebacujemo na narednu tačku Općinskog vijeća, kao i vijećnička pitanja i inicijative. Hvala najljepša, molim vas da nam se pridružite u kino Sali radi održavanja Svečane akademije povodom Dana nezavisnosti. Niste se potpisali danas na listu, mislim da ćete zbog toga sigurno ostati.

Sjednica zaključena u 11:25 sati.

Zapisničar
Elza Gračić



PREDSJEDAVAJUĆA
Svjetlana Zamboni